

ԱՄՆԻ ԿՈՆԳՐԵՍՈՒՄ ՆԵՐԿԱՅԱՑՈՒԷՑ ՆՈՐ ԲԱՆԱԶԵԻ

Ուաշինգթոն, ՄՏԿ.- Ցունիսի 3ի յետմիջօրէին, Ամերիկայի Միացեալ Նահանգների Ներկայացուցիչների տան (Կոնգրես) առջեւ ներկայացուեց 26 պատգամատրների կողմից ստորագրուած մի

բանաձեւ, զվխատրութեամբ պատգամատրներ Դէյվիտ Բոնիորի եւ Ուէյն Օուրնսի, որով դատապարտում են հայ Բաղաբացիների վրայ խորհրդային եւ ազերի յարձակումները եւ պահանջում է Ղարաբաղի

հայ ազգաբնակչութեան տեղահանութեան անմիջական դադարեցումը: Բանաձեւը նման է Մայիսի 18ին ԱՄՆի Ծերակոյտի (Սենատ) կողմից միաձայնութեամբ որդեգրուած շար. էջ 2 →

ԱՄՆԻ ԿՈՆԳՐԵՍՈՒՄ
ՆԵՐԿԱՅԱՑՈՒԵՑ...

→ Սկիզբը՝ էջ 1

լած բանաձեւին:

«Ներկայացուցիչների տան բանաձեւը մի անգամ եւս վկայում է, որ Միացեալ Նահանգների օժանդակութիւնը խորհրդային Միութեանը եւ խորհրդային կառավարութեան ոչ-ժողովրդավարական վարուելակերպը հակադարձ յարաբերութեան մէջ են», յայտարարեց Հայ Դատի Ռաշինկթօնի գրասենեակի վարիչ-տնօրէն ընկեր Սեդօ Պոյանեանը, եւ անելացրեց. «Երկրի ամբողջ տարածքին, Հայ Դատի յանձնախմբերը դիմելու են լայնածաւալ աշխատանքի ապահովելու բանաձեւի անցկացումը, որը շուտով յղուելու է Եւրոպայի եւ Միջին Արեւելքի հարցերի ենթայանձնաժողովին»:

Բանաձեւում բուարկուած են խորհրդային եւ ադրբեջանական յարձակումների նկատմամբ Ներկայացուցիչների տան կեցուածքի կէտերը հետեւեալ ձեւով.

1.- դատապարտում է Բաղադաշինների հանդէպ յարձակումները.

2.- դատապարտում է ուժի անհարկի օգտագործումը.

3.- կոչ է ուղղում Հայաստանի եւ Ղարաբաղի շրջափակումները դադարեցնելու.

4.- կոչ է ուղղում Երկխօսութեան խնդրին առնչուող բոլոր կողմերի միջեւ.

5.- վերահաստատում է ԱՄՆի յանձնառութիւնը խորհրդային Միութեան եւ տարբեր հանրապետութիւններում ժողովրդավարութեան եւ ինքնորոշման յաջողութեան նկատմամբ.

6.- կոչ է ուղղում Ղարաբաղից հայերի տեղահանման անմիջական դադարեցման եւ բոլոր տեղահանւածների վերադարձի ազատութեան: